



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Benedicti Ariæ Montani Hispalensis Poemata**

In Qvatvor Tomos Distincta

In quo Daudis Regis ac Prophetæ, aliorumque sacrorum Vatum Psalmi; ex  
Hebraica veritate in Latinum carmen obseruantissimè conuersi

**Arias Montano, Benito**

**Antverpiæ, 1589**

Psalmvs LVIII. Si verè vtique iustitiam loquimini.

**urn:nbn:de:hbz:466:1-44993**

- 11 Nam tui doni bonitas benigni  
Siderum tractus superat, polosque  
Veritas dicti tua certa magnumque  
Aethera vincit.
- 12 Tollere in summos DEVS alme calor,  
Gloriæ ac terris monumenta cunctis  
Tende, qua siccus pelago adiacenti  
Prominet orbis.

## PSALMVS LVIII.

Si verè utique iustitiam loquimini.

## HVMANI IVDICII INIQVITAS.

- 1 Ad præstantem, Ne corumpas, Dauidis Michtham.

*Carmen Dicolon Distrophon.*

- A**Nne ô concilium iustitiam loqui  
Nostis, iudicia an terrigenum genus  
Recta æquo trutinæ examine ponitis,  
Exacto officio integri?
- 2 Atqui corde delos prauaque perfido  
In terra solitos vos fruerè laud negem;  
Vestris è manibus vis venit improba,  
Librata & studio malo.
- 3 Hæcunt nempe vias ex vtero impij,  
Ex aliisque petunt deuia callibus  
Errorum, faciles vana loqui nimis,  
Falsa & fingere non pigri.
- 4 Virus pestiferum ceu colubro est quibus,  
Virus quale nocens vipera concepit,  
Quæ surdas nimium continet aurium  
Obdens callida ianuas.
- 5 Frustrà illam magici murruris artifex  
Tentat carminibus vincere fortibus;  
Nil voces magici carminis audiet,  
Temnetque artifices modos.
- 6 Dentes ore suo comminue his DEVS,  
Molaresque feris tolle leonibus
- 7 IAS; ceu liquida dispareant aquæ,  
Fluxu ac deficient suo.  
Et quæ dira solet tendere spicula,  
Nequicquam noceant, arcibus irritis  
Intercisa velut lentaque vulneri,  
Et fallente cadant manu.



## LIBER II.

97

- 9 Limax ut fluidis viribus eliquet,  
Ut foetus, pereat, femineus putri  
Tabo disperiens, lumina cui negat  
Solis visere morscita.
- 10 Nondum flamma leues corripit grauis  
Spinas, ante lebes incaleat nimis  
Vester, consilia ut cruda cadant suis  
Ebullita furoribus.
- 11 Iusto exempla Dei vindicis agnita,  
Visa & pacificam lætitiā ferent;  
Testis namque pedes ipse cruoribus  
Tinget, sanguine & improbo.
- 12 Ac tunc dicet homo, nempe manet pius  
Fructus iustitiæ; nempe polo edito  
Illos quidquid agant despiciens DEVS  
Terras iudicat infimas.

## PSALM. LIX.

Eripe me de inimicis meis Deus meus.

## INNOCENTIA DEO SVSCEPTA.

- 1 Ad præstantem, Ne corrumpas: Davidis Mich-  
tham, cum mittente Saule observata fuit do-  
mus, ut occiderent eum.

*Carmen Tricolon Tetra-strophon.*

- 2 S Eruatim rabidis me eripe ab hostibus,  
Infestisque mihi protege mi DEVS;  
3 His quos prava voluntas  
Urget fundere sanguinem.
- 4 Namque ecce immeritas insidias meæ  
Tendentes animæ in me coeunt viri,  
Robustum genus, IAS,  
Culpa aut crimine non meo.
- 5 Pravi in me nihil est, & properant tamen,  
In meque arma sibi & consilium parant:  
Occurre excitus, ac me  
Explora, & propius vide.
- 6 Ultor maxime dux tu armigerum DEVS  
IAS, quo fruitur PRINCIPE & Israël,  
Expergiscere, & omnes  
Gentes pro meritis preme.

G 2

Clemens

Limax